



**BASES E CONVOCATORIA DO CONCURSO DE COMPARSAS E CARROZAS**  
**ENTROIDO 2015**

**(Aprobadas pola Xunta de Goberno Local de data 26 de xaneiro)**

**Primeira.-** O Servizo de Festas da Concellería de Cultura, Festas e Museos do Concello de Vigo e a Comisión Colaboradora do Entroido 2015 convocan o tradicional concurso de comparsas e carrozas que se realizará o sábado 14 de febreiro, dentro do programa de actividades e espectáculos do Entroido 2015. Neste concurso so poderán inscribirse aquelas comparsas integradas por un mínimo de 30 persoas.

**Segunda.-** As solicitudes de inscrición poderán presentarse no Rexistro Xeral do Concello de Vigo, en impreso normalizado para este fin, **dende o día da súa aprobación pola Xunta de Goberno Local ata o 5 de febreiro ás 13:30 horas**. Todas aquelas solicitudes presentadas fóra deste prazo serán desestimadas calquera que sexa a causa do seu atraso. As bases publicitaranse a través de anuncio nos medios de comunicación local e estarán a disposición dos/as interesados/as na oficina de Información situada na lonxa da Casa do Concello e nas web municipal ([www.vigo.org](http://www.vigo.org)) e [www.vigocultura.org](http://www.vigocultura.org).

**Terceira.-** Os premios establecidos para o concurso serán os seguintes:

**PREMIOS XERAIS:**

- 1º PREMIO: 2.500,00 €
- 2º PREMIO: 2.000,00 €
- 3º PREMIO: 1.500,00 €

**14 ACCÉSIT non acumulables aos tres primeiros premios de:**

- 500,00 euros para as seguintes comparsas por orde de puntuación.

Os premios serán indivisibles e algúns deles poderán quedar desertos, sobre todo no caso dos accésit, segundo a decisión do xurado do concurso. En caso de empate decidirá o voto de calidade do presidente do xurado.

Os aboamentos dos premios serán tramitados pola comisión colaboradora do Entroido 2015, constituída pola "Agrupación de Centros Deportivos e Culturais" e pola Federación de Peñas Recreativas "El Olivo", unha vez recibida a acta do xurado e estarán suxeitos á normativa fiscal que corresponda e dento dun prazo máximo de 60 días.

**Cuarta.-** O número da orde das comparsas inscritas no desfile asignarase mediante sorteo público, que se realizará o 9 de febreiro, luns ás 12:00 horas, no Auditorio Municipal do Concello (praza do Rei, s/n).

Co obxecto de facilitar a organización deste concurso, resulta conveniente que algún representante de cada comparsa inscrita acuda a este sorteo.

**Quinta.-** A concentración e o desfile das comparsas inscritas farase o sábado 14 de febreiro nos seguintes lugares e horas:

► **CONCENTRACIÓN E MONTAXE DO DESFILE (17:00 horas):** Avda. de García Barbón entre a



rotonda de Julian Estevez e a rotonda de Isaac Peral.

► **DESFILE (18:00 horas):** percorrido de Avda. de García Barbón (dende rotonda Isaac Peral), rúa Policarpo Sanz, Porta do Sol (remate).

As carrozas participantes terán que estar no lugar de concentración e montaxe do desfile a hora sinalada 17,00 horas).

Aquelas comparsas que cheguen máis tarde das 17,30 horas terán que desfilar no último lugar. Así mesmo, as comarsas que pola razón que sexa, cheguen despois das 18,00 horas quedarán fóra do concurso e non poderán ser valoradas polo xurado, mais poderán participar no último lugar do desfile, se o dexesan.

Dous membros da organización do Entroido 2015 recollerán a hora de chegada de cada comparsa nun acta que será entregada ao xurado antes do comezo do desfile.

**Sexta.-** As carrozas participantes no desfile de comparsas non poderán exceder das seguintes dimensións, sen contar a cabeza tractora:

**Longo: 8'00 m. / Ancho: 3'50 m. / Alto: 4'00 m.**

Dous membros da organización do Entroido 2015 recollerán as medidas de cada carroza nunha acta que lle será entregada ao xurado antes do comezo do desfile. En caso de que algunha das carrozas participantes incumpra as anteditas medidas quedarán excluídas directamente do desfile.

Así mesmo, e co obxecto de garantir a seguridade dos demais participantes e do público asistente, o persoal de organización e o xurado do concurso quedan facultados para excluír do desfile ou cambiar o seu posto da orde a calquera elemento das comparsas que se considere perigoso (animais de todo tipo, petardos, bengalas...).

Dous membros da organización comprobarán a altura do alumbrado do Entroido e calquera outro elemento do percorrido que poida interferir no correcto desenvolvemento do desfile, co obxecto de garantir a seguridade dos participantes e do público asistente.

**Sétima.-** Os criterios de valoración do concurso serán determinados polo xurado, que estará composto por:

**PRESIDENCIA:** concelleiro de Cultura, Festas e Museos ou persoa en quen delegue.

**VOGALIAS:** dúas persoas vencelladas ás artes creativas, medios de comunicación, cultura, etc

un membro da comisión organizadora do Entroido 2015.

**SECRETARÍA:** un/ha técnico/a da Concellería de Cultura, Festas e Museos con voz e sen voto.

O xurado terá liberdade de criterio para establecer as súas avaliación e cualificacións, pero deberá prestar atención a cuestións como: número de membros, vestuario, orixinalidade, coreografías e presenza de elementos complementarios como carrozas, harmonía, simpatía, etc.

As persoas membros do xurado avaliarán as comparsas participantes no desfile dende diferentes puntos do percorrido sen determinar, non haberá un palco de xurado.

**Oitava.-** As comparsas inscritas deberán participar o día 14 de febreiro, sábado no desfile de comparsas e carrozas, e poderán participar no cortexo de acompañamento as cinzas do Mecho o día 18 de febreiro, mércores.

**CONCELLERÍA  
DE  
CULTURA  
E FESTAS**

**CONCELLO  
DE VIGO**



**Novena-** A decisión do xurado publicarase mediante a lectura da acta ao remate do sepelio do Meco que terá lugar na Porta do Sol o mércores 18 de febreiro ás 19:30 horas.

Será obrigatoria a presenza dalgunha persoa membro de cada comparsa participante no concurso do día 14 de febreiro, durante a lectura da acta dos premios. A non presenza desta implicará a renuncia ao premio.

**Décima.-** O concelleiro de Cultura, Festas e Museos queda facultado para resolver as posibles eventualidades ou controversias que poidan xurdir e non previstas nestas bases.

**Décimo primeira.-** A participación no concurso supón a aceptación de todas e cada unha das bases. A decisión derivada da aplicación dos criterios de avaliación do xurado é inapelable.

Vigo, xaneiro de 2015



**CONCURSO DE COMPARSAS E CARROZAS DO ENTROIDO 2015**  
**SOLICITUDE DE INSCRICIÓN**

NOME E APELIDOS .....  
NIF.....ENDEREZO.....NÚM.....  
CP.....LOCALIDADE.....  
TELÉFONO.....CORREO ELECTRÓNICO.....  
FAX.....

EN REPRESENTACIÓN DE ENTIDADE/PERSONA FÍSICA .....  
.....CIF/NIF.....  
ENDEREZO.....NÚM.....  
CP.....LOCALIDADE.....  
TELÉFONO.....CORREO ELECTRÓNICO.....  
FAX.....  
IBAN/Nº conta bancaria (20 díxitos) .....  
*(É imprescindible achegar unha fotocopia compulsada do CIF e certificación bancaria).*

**SOLICITA**

A inscrición da comparsa denominada .....  
Número de compoñentes da comparsa (mínimo de 30) .....  
Presenta carroza SI                      NON  
En caso afirmativo, resulta imprescindible cubrir os seguintes datos:  
LONGO ..... ANCHO .....ALTO .....  
*(Compre ver nas bases do concurso as medidas máximas permitidas)*

Presenta algún outro tipo de elemento (animais, automóbiles...) SI      NON  
En caso afirmativo, hai que indicar cales e o seu número .....

Vigo, ..... de ..... de 2015

SINATURA

**EXCMO. ALCALDE DO CONCELLO DE VIGO**

O número de orde de participación das comparsas inscritas nos desfiles decidírase mediante sorteo público o día 9 de febreiro, luns ás 12:00 horas, no auditorio municipal do Concello (praza do Rei, s/n).